



國語較
注本三種

宋蘭趙之振頤

世

圖

道卷丙午閏五
綺堂汪匡初藏

序

管余在壬申歲受業於金壇段先生授毛氏詩傳游歷齊魯燕趙與當代賢大夫四方達人博資聞見廣其學甲申至武林與汪中書小米遇時往還吳越未嘗晨夕與居也癸巳小米爲吳氏校刻杭郡詩輯余遂館宿其家余之治毛詩也初爲義類隨類分編小米曰近代法家治毛必兼鄭宗傳說者非君而誰矣益爲大毛公傳作專疏乎余羸弱恆多疾小米又曰吾儕精力不逮古人萬一中道不諱又無賢子孫紹其業不如早爲之所賴有一二知之者共相確證乎此乙未年事也先是小

陳序

一

米喜讀漢書地理志又畱心於春秋國語及陸氏經典釋文聞京都藏書之家有舊鈔本出重財購得之欲作釋文注若干卷余曰釋文無善本集韻之所散載猶是不經改之書對集韻校釋文裁得善本本子已定正是非辨得失廓清之功偉矣于後已釋文之學遂併心致力於春秋國語無厭倦服韋氏解數其簡絮治慮以精瑜瑕不掩乃節取宏嗣之注以表揚左邱之傳韋氏採舊解有舊解之佚見於羣籍者摭集之曰古注輯存韋解流刻皆非舊本據明道本爲主而公序本輔於下又博取羣籍援引者載記之曰攷異韋解雖主乎賈并參

己意未申與義不合者乃申之乃補之辨難而駁正之曰發正都凡前言懿行通人達詒有可賴以發明皆錄之余時時貢其疑小米或躩之嗚呼小米春秋彊盛深思好學庶乎同術蠲瑤有功草創初成脩飾未備丙申四月十二日小米與余共立課程炷香刻度晨起得齒痛余曰外疾也不可醫醫之不效延入內疾疾篤猶自注釋密勿無已五月八日遂卒卒年僅四十有三耳小米姓汪氏名遠孫小米其字也先世黔人徙居武林爲名族家有振綺堂書目數十萬卷甲於郡丙子舉鄉官中書不就仕性端慤無嗜好讀書以自樂交知名士

陳序

二

徧天下出與諸前輩讌樂酬酢消搖乎山水之勝入則閨房靜好衽席閒若遇師友元配梁孺人繼配湯孺人竝有著述行刻於世杭州自我 本朝定鼎名流輩出董浦之淹博大鴻之嚴峻杭人至今師事稱之故諸前輩相引成風好道詞章作爲吟社繪圖以盛紀其事諸前輩願與小米約共入社小米亦不違諸前輩意而其胸次磊落淵雅宏通獨具巨眼視密如髮卓然爲經學名家諸前輩或不知之而小米不欲詡詡負經學鳴於時其韜晦有如此也卒之日弟亞虞名迺孫陳其兄遺書請任以校讎之役余喟然曰朋友之道義而合朋友

死書不可不傳於世諾亞虞請旣受其書而不辭維時
余作毛詩疏彙未脫清亞虞亟趣爲之朝夕披覽寒暑
無少閒盤桓於西湖之水北樓樓後他屬又優游歲月
信宿於館驛后之觀馴齋其齋與樓也皆小米讀書地
也亞虞懸乃兄像於堂壁閒對之如見良友焉余作句
云君去更無知己友我畱且讀未刊書蓋紀其實也亞
虞曰子之書錄彙矣吾兄之書落成矣其將趣而鋟諸
版可乎亞虞忽得舌強病余有事於嘉禾及返視亞虞
病危急竟目瞑而長逝矣癸卯十月十八日也小米僅
一子名曾撰年二十沈靜好書甲辰夏寓書於余余報

陳序

三

之教以讀書切要之法未幾少洪音適至以六月二十
八日凶聞蓋余與汪氏交二十有年矣余少遊學不輕
與人交交必久久必敬識振綺昆季不思遠出作流寓
於西湖山西之西溪去就自由主賓相合我生無德會
逢不辰小米少於余八歲呼余爲兄驄驄然常恐余年
之日衰無聞傳於後世不意小米不得見余之書而俾
余得讀小米之書亞虞亟切望余書之能有成而不及
刊刻余之書余之子不能讀余書又私痛友之無子不
能教友之子起而讀父之書命之悲矣其又何說小米
善於親睦於族宗族稱孝鄉黨稱弟沐其德者嘖嘖勿

衰天旣不永其年又不令承其後報施善人其何如耶
豈真謂有書可傳有行可表固無俟乎象賢之子否耶
少洪名邁孫倩善書法者蔣君芝生爲伯兄寫國語本
以壽諸版閱敘於余余爲之哭朋友直書記其事道光
二十五年乙巳春月長洲陳真頓首拜撰

陳序

四

國語三君注輯存序

三君者後漢侍中賈君逵吳侍御史虞君翻吳尚書僕射唐君固也韋宏嗣采摭三君并參己意成國語解二十一卷漢章帝時鄭大司農眾作章句其書最爲近古久亡其篇數魏中領軍王肅晉五經博士孔晁亦爲章句訓注後先於章而解不載今遠孫不揣譎陋搜羅舊聞其三君說有見於解中而不見於解中者悉錄之王孔諸家亦載焉予以識韋氏作解之去就而眾說之足資取益也稱三君者仍宏嗣之本書也錢唐汪遠孫謨

輯存序

賈逵益也韋宏嗣采摭三君并參己意成國語解二十一卷漢章帝時鄭大司農眾作章句其書最爲近古久亡其篇數魏中領軍王肅晉五經博士孔晁亦爲章句訓注後先於章而解不載今遠孫不揣譎陋搜羅舊聞其三君說有見於解中而不見於解中者悉錄之王孔諸家亦載焉予以識韋氏作解之去就而眾說之足資取益也稱三君者仍宏嗣之本書也錢唐汪遠孫謨

國語校注本總目

三君注輯存 卷一之四

發正 卷一之五

發正 卷六之十五

發正 卷十六之二十一

攷異 卷一之四

目

一

目終

國語三君注輯存卷一

汪遠孫

周語

先王耀德不觀兵

賈逵曰耀明也文選長門賦注

夫兵戢而時動

賈逵曰戢藏也文選數逝賦注

戴囊弓矢

唐固曰囊韜也史記周本紀集解

管我先王世后稷

輯存一

唐固曰父子相繼曰世同上

朝夕恪勤

賈逵曰恪敬也勤勞也北堂書鈔政術部十案今據曝書亭鈔本陳禹謨刊本刪去注文

欣戴武王

賈逵曰戴奉也文選東京賦注

勤恤民隱而除其害也

賈逵曰恤憂也隱病也北堂書鈔政術部十

侯衛賓服

凡此服數諸家之說皆紛錯不同唯賈君近之書解案注云

賈說也

云韋蓋本



今自大畢伯士之終也

欽定四庫全書

賈逵曰大畢伯士犬戎氏之二君也

史記周本紀正義

犬戎氏以其職來王

賈逵曰白狼白鹿犬戎之職貢也

帥舊德而守終純固

賈逵曰純專也

女三為粲

賈逵曰粲美貌

文選陸士龍為顧彥先贈婦詩注太平御覽人事部二十一

是障之也

賈逵曰障防也

文選長笛賦注

輯存一

而後王斟酌焉

賈逵曰斟酌猶取也酌行也

一切經音義十四

猶其原隰之有衍沃也

唐固曰下平曰衍有漑曰沃

史記周本紀集解

其所以阜財用衣食者也

賈逵曰阜厚也

文選陸佐公石闕銘注一切經音義十三

乃流王於彘

賈逵曰流放也

文選魏文帝典論論文注

陳錫載周

唐固曰言文王布錫施利以載成周道也

史記周本紀集解

其歸鮮矣

賈逵曰鮮寡也華嚴經音義上

宣王卽位不籍千畝也景五器景良南天籍五春之日

賈逵曰天子躬耕籍田助民力也籍田千畝也北堂書鈔禮儀

部十

號文公諫曰

賈侍中曰文公文王母弟號仲之後爲王卿士韋解史記周

本紀集解

上帝之菜盛於是乎出

賈逵曰器實曰菜在器曰盛北堂書鈔禮儀部十二

輯存一

民之蕃庶於是乎生

賈逵曰蕃息也庶衆也同上案蕃息也三字鈔本脫陳禹謨本此條標賈逵注不誤

陽暉憤盈土氣震發

賈逵曰憤盛也華嚴經音義上

孔晁曰暉起憤盛也盈滿震動也舊音案微波榭所刊補音脫孔字

農祥晨正

賈逵曰祥猶象也華嚴經音義上下文月之所立辰馬農祥也韋注祥猶象也此條或隸彼下

唐固曰農祥房星也晨正謂晨見南方謂立春之日

初學記歲時部上太平御覽時序部五

先時九日

賈逵曰先立春日也北堂書鈔禮儀部十二

王其祇祓監農不易

賈逵曰祇敬也祓齊戒祓除也不易者物土之宜循

其土不易其穀也同上

百官御事

賈逵曰御治也同上 此條据唐類函鈔本無

王乃淳濯饗饗醴

賈逵曰饗飲也王沐浴飲醴酒同上 此條据陳本及唐類函鈔本譌舛

膳夫農正陳籓禮

賈逵曰農正農大夫主敷陳籓禮而祭其神為農祈

輯存一

也同上 主敷陳以下十三字亦据陳本及唐類函鈔本脫

王耕一發發章本作發

賈逵曰一發一耜之發也北堂書鈔禮儀部十二耜廣五寸二耜

為耦一發濩尺音舊

班三之

賈逵曰班次也謂公卿大夫也三之下各三其上也王

一發公三發卿九發大夫二十七發禮記月令正義北堂書鈔禮儀部十二

大師監之

賈逵曰大師三公官也北堂書鈔禮儀部十二

警帥音官以風土廩於籓東南鍾而藏之

賈逵曰音官樂官也以音律省風土風氣和則土氣
養廩御廩一名神倉東南生長之處鍾聚也謂爲廩
以藏王所籍田以奉齊盛同上 此條亦據陳本
及唐類函鈔本譌舛

紀農協功

賈逵曰紀猶錄也

文選潘安仁悼亡詩注 又陸士龍爲
顧彥先贈婦詩注 陸士衡吳趨行注

耨穫亦如之

賈逵曰耨鎡鎡也

音舊

戰于千畝

孔晁曰宣王不耕籍田神怒民困爲戎所伐戰于近

郊詩祈父
正義

樊仲山父

注曰樊宣王卿士山父之所封也仲山父樊穆仲也

太平御覽人
事部九十七

是教逆也

唐固曰言不教之順而教之逆史記魯世
家集解

宣王欲得國子之能導訓諸侯者

賈侍中曰國子諸侯之嗣子或云國子諸侯之子欲

使訓導諸侯之子韋解 北堂書鈔設官部二十四 案書鈔
嗣子下有教諸侯三字無或云以後十六字

此或賈氏自存別說或韋氏採他
人之說未能臆定並存以備參考

唐尚書曰國子謂諸侯能治國子養百姓者同上

宣王既喪南國之師

唐固曰南國南陽也史記周本紀集解

伯陽父曰

唐固曰伯陽甫周柱下史老子也同

陽伏而不能出陰迫而不能烝

孔晁曰陽氣伏於陰下見迫於陰故不能升以至於

地動左氏文九年經正義

夫水土演而民用也

賈逵曰演引也文選長笛賦注

惠王二年各本誤三年據史記周本紀十二年諸侯年表改正

輯存一

惠王周莊王之孫釐王之子惠王毋涼也章解舊音云賈注無毋

字案明道本亦無毋字

司寇行戮

賈逵曰戮殺也華嚴經音義上

其刑矯誣

賈逵曰非先王之法曰橋加誅無罪曰誣一切經音義十案華嚴

經音義上止引上句非上行字蓋刑字之誤橋作矯

百姓攜貳

賈逵曰攜離也文選謝靈運登石門最高頂詩注又南樓中望所遲客詩注

觀其苛慝

賈逵曰苛煩也

史記酈生傳索隱 文選 西征賦注 又舞賦注

文選

管夏之興也融降于崇山其亾也回祿信於聆隧

賈逵曰祝融回祿火之神也

太平御覽 神鬼部一

禱杙次於丕山

賈逵曰禱杙繇也

同上

夷羊在牧

賈逵曰夷羊神獸也

開元占經 一百十九

鸞鷲鳴於岐山

三君曰鸞鷲鳳之別名也

韋解 文選南 都賦注引賈逵

實有爽德

輯存一

賈逵曰爽貳也

文選東京賦注 案貳當作 貳爾雅爽志也貳與志同

協於丹朱

賈逵曰丹朱堯子

太平御覽 神鬼部一

管堯臨民以五

賈逵曰臨治也

華嚴經音義 又下

精意以享

賈逵曰精明也

文選顏延年五君詠注 又觀北湖田收詩注

以逞其違

賈逵曰逞快也

文選潘安仁 關中詩注

故為車服旗章以旌之

賈逵曰旌表也

文選景福殿賦注 又博奕論注 潘安仁馬汧督誅注 一切經音義十三

襄王使大宰文公及內史興賜晉文公命

大宰文公王卿士王子虎也

韋解 案左氏僖二十八年傳 正義云注國語者皆以為大宰

文公即王子虎也 韋益本舊注為說

晉侯端委以入

說曰衣玄端冠委兒諸侯祭服也

同上

孔晁曰玄端之衣委貌之冠也

太平御覽 服章部二

施三服義仁也

賈侍中曰三謂忠信仁也

韋解

周文公之詩曰兄弟鬩于牆外禦其侮

輯存一

八

文公之詩者周公旦之所作常棣之篇是也唯賈君

得之

同上 是賈亦以常棣為周公旦所作

鄭唐二君以為常棣穆公所作

同上 案詩常棣序箋云 周公吊二叔之不咸而使兒

弟之恩疏召公為作此詩而歌之 以親之此鄭君蓋指康成氏也

鄭武莊有大勳力于平桓

唐尚書曰王奪鄭伯政鄭伯不朝王伐鄭鄭祝聃射

王中肩豈得為功桓當為惠傳曰鄭有平惠之勳

管隲之亾也由仲任

唐尚書曰隲為鄭武公所滅非取任氏而亾也

同上

鄆由叔妘

唐尚書曰亦鄭武公滅之不由女也同上

聃由鄭姬

賈逵曰文王子聃季之國也史記管蔡世家索隱

鄭伯南也

賈侍中曰南者在南服之侯伯也或云南南面君也

韋解 賈讀南為男二字古通用鄭眾服虔注內傳云鄭伯爵在男服也或說賈注內傳語也

王肅曰鄭伯爵而連男言之猶言曰公侯足句辭也

左氏昭十三年傳正義

狄人來誅殺譚伯

唐固曰譚伯周大夫原伯毛伯也史記周本紀集解案毛伯二字衍蓋後人以左

輯存一

傳加之索隱云唐固據左傳文讀譚為原明以外傳之譚伯當內傳之原伯也韋解本唐明道本亦衍一毛字

請隧焉

賈侍中曰隧王之葬禮開地通路曰隧韋解

余一人僅亦守府

賈逵曰僅猶言纔能也文選款逝賦注

先民有言曰

賈逵曰先民古賢人也書伊訓正義

尚將列為公侯

賈逵曰尚且也文選七發注

夫三君之所尋

賈逵曰尋用也

文選五等論注

將蠻夷戎狄之矯逸不虔

賈逵曰虔敬也

華嚴經音義上 文選王仲宣贈士孫文始詩注

禘郊之事則有全烝王公立飲則有房烝

注國語者皆曰禘祭宗廟郊祭天地則有全其牲體

而升於俎謂之全烝王公立飲即享禮也禮之立成

者名為飫半解其體而升於俎謂之房烝

左氏宣十六年傳正義

親戚宴饗

賈逵曰不脫屣升堂曰宴

文選南都賦注 一切經音義一 案不字衍儀禮燕禮賓反入

及卿大夫皆脫屣升就席注云凡燕坐必脫屣屣賤不在堂也

韓詩脫跣而上坐謂之宴余友長洲陳奐曰不當作下禮記鄉飲

十

酒義降說屣升坐降卽下也詩常棣傳不脫屣升堂謂之飲不亦下字之誤賈用毛義

夫戎狄覓沒輕儻

覓章本作冒

賈逵曰覓沒猶抵觸也

一切經音義九 又十 案覓當作覓說文覓突前也从見曰臣鉉等

曰曰重覆也犯曰而見是突前也與抵觸之義合蓋國語本作覓沒後人多見冒少見覓遂改覓為冒耳

遂假道於陳以聘於楚

服氏注曰是時天子微弱故與諸侯相聘同

儀禮聘禮疏

案服氏注國語見此疏及周禮王府疏春官序官疏未知是服子慎否俟再攷

野有庾積

賈氏注曰十六斗為庾

論語雍也皇侃疏

唐尚書曰十六斗曰庾

韋解楚茨正義

南冠以如夏氏

賈逵曰南冠楚冠也

太平御覽
服章部二

夫辰角見而雨畢

賈逵曰辰角大辰倉龍也龍角星名也

太平御覽居
處部二十三

天根見而水涸

賈逵曰涸竭也

文選海賦注
又沈
休文新安江詩注

駟見而隕霜

賈逵曰駟房星也

北堂書鈔天部四
初學記天
部下
太平御覽天部十四

火見而清風戒寒

鄭注曰火心星清風寒風也

北堂書鈔歲時部四
案太
平御覽時序部十九不言是

輯存一

十一

鄭注

賈逵曰戒人為寒備也

文選宋文帝元
后哀策文注

野無輿草

舊音輿賈本作冥
案說文冥幽也詩何草
不黃有芄者狐率彼幽草冥草即幽草也

行理以節逆之

賈逵曰理吏也小行人也

左氏僖三十
年傳正義

孔晁本作李注曰行李行人之官也

同上

棄其伉儷妃嬪

賈逵曰儷偶也

文選景福殿賦
注
又雪賦注

妾御曰嬪

華嚴經
音義下

不亦嬪姓矣乎

賈唐二君曰姓命也一曰夏氏姬姓鄭女亦姬姓故

謂之嬪姓

韋解

不亦簡彝乎

賈逵曰簡略也

文選齊安陸昭王碑文

楚子入陳

唐尚書曰遂取陳以為縣

韋解

其何事不徹

賈逵曰徹明也

華嚴經音義下

則可以上下無隙矣

賈逵曰隙豐也

一切經音義十四案豐即豐之俗

禮如行人

輯存一

三

孔晁曰行人使人也以使人之禮禮之不從聘者之

賜禮也

左氏成十三年傳正義

藥人不義

賈逵曰藥陵也

文選何敬祖雜詩注

高位寔疾顛厚味寔瘖毒

賈逵曰顛隕也瘖久也言味厚者其毒久

文選七命注

天地所祚小而後國

賈逵曰祚祿也

文選西都賦注音義一又九

一切經十八

故名之曰黑臀於今再矣

賈侍中曰於今單襄公時也晉厲公即黑臀之孫也

黑臀之後二世為君與黑臀滿三世矣韋解

唐尚書曰時晉景公在位成公生景公故言再同上

穀雒鬪雜章本作洛蓋後人所改

賈逵曰穀雒二水名雨水格有似於鬪文選注初學記止引此句格作

雒在王城南穀在城北者文選西征賦注初學記地部中太平御覽皇于部十

不竇澤

賈逵曰竇決也太平御覽皇王部十

陂塘汗庫以鍾其美

賈逵曰聚萬物合之美大也同上

是故聚不隳崩

輯存一

賈逵曰小崩曰弛後漢書蔡邕傳注

管共工棄此道也

賈侍中曰共工諸侯炎帝之後姜姓也顓頊氏衰共

工氏侵陵諸侯與高辛氏爭而王也或云共工堯時

諸侯為高辛所滅韋解

有崇伯鯀

賈逵曰崇國名伯爵也書舜典正義

共之從孫四嶽佐之

賈逵曰共共工也從孫同姓末嗣之孫四岳官名大

岳也主四岳之祭焉左氏隱十年傳正義又莊十二年正義襄十四年正義

汨越九原

賈逵曰涵亂也

後漢書張衡傳注 案涵汨古字通蓋賈本作涵爾雅釋詁涵治也郭注涵書序作汨音同耳

亂亦治也

度之于軌儀

賈逵曰軌法也

文選歸田賦注 華嚴經音義上

克厭帝心

唐曰厭合也

補音

賜姓曰姜

賈逵曰姜炎帝之姓其後變易至於四岳帝復賜之

祖姓以紹炎帝之後

左氏隱十一年傳正義 又襄十四年正義

輯存一

謂其能為禹股肱心膂

賈逵曰膂脊也

文選庾元規讓中書令表注

踣斃不振

賈逵曰振救也

文選長楊賦注 又西征賦注

其飾彌章

賈逵曰彰著也

文選顏延年燕曲水詩注 案章彰古今字

至于今未弭

賈逵曰弭忘也

文選江文通雜體詩注 又潘安仁夏侯常侍誄注

自后稷之始基靖民

賈逵曰基始也

華嚴經音義上

而少光王室

少猶裁也

韋解 案一切經音義卷二云纒賈逵注國語作裁又卷十七云賈逵注國語作財益賈與韋同而字

或作財漢書文紀注財與纒同

子孫或在畎畝

賈侍中曰一耦之發廣尺深尺為畎百步為畝

同上

賈意二耦為耦一耦之發謂之畎廣尺深尺若一耦之發謂之發廣五寸深尺見上注

其以徼亂也

賈逵曰邀求也

文選劉孝標廣絕交論案邀俗徼字

昊天有成命二后受之成王不敢康

賈鄭唐說言昊天有所成之命文武則能受之謂修

輯存一

圭

己自勤以成其王功非謂周成王身也

韋解

二后受之讓於德也

賈唐二君曰二后所以受天命者能讓有德也

同上

熙廣也

虞曰廣當為光

同上

子孫蕃育之謂也

賈逵曰育生也

華嚴經音義上

膺保明德

賈逵曰膺猶受也

文選東都賦注後漢書班固傳注

將鑄大錢

賈侍中曰虞夏商周金幣三等或赤或白或黃黃爲上幣銅鐵爲下幣大錢者大於舊其價重也

韋解 玉海一百

唐尚書曰大錢徑一寸二分重十二銖文曰大泉五

十通典食貨八 案韋解 引無徑一寸二分五字

關石和鈞

賈逵曰關通也

文選魏都賦注

田疇荒蕪

賈逵曰一井爲疇

文選登樓賦注 又陳舊賦注 曹子建送應氏詩注 謝玄暉和徐都曹詩注 陶淵明歸去

來注一切無穢也

文選魏都賦注 又謝玄暉始出尚書經音義一 省詩注 沈休文宋書謝靈運傳論注

輯存一

去

王將鑄無射而爲之大林

賈侍中曰無射鍾名律中無射也大林無射之覆也

太平御覽樂部十三 止引此句覆作副 作無射爲大林以覆之其律中林鍾

也或說云鑄無射而以林鍾之數益之

韋解

唐尚書從賈

同上

不過步武尺寸之間

賈君以半步爲武

同上

觀美而眩

賈逵曰眩惑也

文選南都賦注 又景福殿賦注 顏延年五君詠注 楊雄劇秦美新注

民歌而得之

得韋本 作德

賈逵曰歆貪也

一切經音義七

革木一聲

注曰一聲無宮商清濁

禮記樂記正義

律以平聲

賈侍中曰律黃鍾為宮林鍾為徵太簇為商南呂為

羽姑洗為角所以平五聲也

韋解

而行之以遂八風

賈逵曰遂從也

文選稽叔夜絕交書注

八風八卦之風也

初學記樂部

二十四年

孔晁曰昭二十一年

左氏昭二十一年傳正義

輯存一

七

眾口鑠金

賈逵曰鑠消也眾口所惡雖金亦為之消也

史記鄒陽傳索隱

文選江文通雜體詩注又七發注七命注鄒陽獄中上書注

律所以立均出度也

賈逵曰律謂六律六呂以均鍾大小清濁也

左氏襄十九年傳正義

義

古之神瞽考中聲而量之以制度律均鍾百官軌儀

賈逵曰考成也成平也平中和之聲度律呂之長短

以立均鍾以成和平之聲而百官之道得象而儀之

同上

故名之曰黃鍾所以宣養六氣九德也

注曰十一月建子陽氣在中六氣陰陽風雨晦明九

德金木水火土穀正德利用厚生作事宣徧黃鍾象

氣伏地物始萌所以徧養六氣九功之德禮記月令正義

二曰太簇所以金奏贊陽出滯也

賈唐曰太簇正聲為商故為金奏所以佐陽發出滯

伏也韋解禮記正義案末句正義作所以助陽出滯物也文小異而義同据此條正義所引皆賈注

三曰姑洗所以脩潔百物考神納賓也

注曰是月之物脩潔故用之宗廟致神納賓也禮記正義

作百物之物當

輯存一

文

五曰夷則所以詠歌九則平民無貸也貸韋本作貳儀禮大射儀注引作

注曰乾九五用事夷平則法也言法度平故可詠歌

九功之法平民使不貸也同上

六曰無射所以宣布詒人之令德示民軌儀也詒韋本作哲

注曰乾上九用事無射陽氣上升陰氣收藏萬物無

射者也詒人后稷布其德教示以法儀當及時銓穫

而收藏之同上

二間夾鍾出四隙之細也

注曰夾鍾夾助陽四隙謂黃鍾大呂太簇夾鍾凡助

出四隙之微氣令不滯伏於下也

同上

四閒林鍾和展百物俾莫不任肅純恪也

百物章本作百事禮記正義作百

事

注曰坤初六也林眾鍾聚肅速純大恪敬言時務和

審百事無有詭詐使莫不任其職事速其功而大敬

其職

同上

五閒南呂贊陽秀物也

韋本無物字

注曰坤六二也南任也陰任陽事助成萬物贊佐也

陰佐陽秀成物也

同上

六閒應鍾均利器用俾應復也

輯存一

九

注曰坤六三用事應當也言陰當代陽用事百物可

種藏則均利百工之器俾應復者陰陽用事終而復

始也

同上

七律者何

賈逵曰周有七音謂七律謂七器音也黃鍾為宮大

簇為商姑洗為角林鍾為徵南呂為羽應鍾為變宮

蕤賓為變徵

左氏昭二十年傳正義案上謂字疑衍器音當作音器

則我皇妣大姜之姪伯陵之後逢公之所憑神也

孔晁曰大姜大王之妃王季之母也女子謂昆弟之

子曰姪伯陵大姜之祖逢公大姜之姪伯陵之後逢

公般諸侯也

左氏昭十年傳正義

景王既殺下門子

賈逵曰下門子周大夫王猛之傅也景王欲立朝故

先殺猛傅

左氏昭二十年傳正義

賈逵曰子朝景王之長庶子也

文選西征賦注案國語正文無子朝當是此篇注文

遠歸告王

賈逵曰遠疾也

華嚴經音義下

人犧實難

賈逵曰難畏憚也

易屯釋文

是以爲之日惕

輯存一

二

賈逵曰怛懼也

文選魏都賦注案韋解惕懼也疑韋本作惕賈本作怛

玄王勤商

賈逵曰玄王謂契湯之始祖謂之玄王

初學記帝王部

而幽王蕩以爲魁陵糞土溝瀆

賈逵曰小阜曰魁

史記趙世家正義又扁鶴傳正義文選海賦注

國語三君注輯存卷二

汪遠孫

魯語

是故先王制諸侯使五年四王一相朝

賈侍中曰王謂王事天子也歲聘以志業閒朝以講禮五年之閒四聘於王而一相朝相朝者將朝天子

先相朝也

韋解

唐尚書曰先王謂堯也五載一巡狩諸侯四朝

同上

而觀民於社

孔晁曰聚民於社觀戎器也

左氏莊二十三年經正義

輯存二

收据而承

韋本据作據承作丞

賈逵曰据拾穗也

一切經音義十三

莊公丹桓宮之楹而刻其桷

唐曰桷椽頭也

韋解

臣故曰庶可已矣

賈逵曰庶冀也

文選傅長虞贈何劭王濟詩注

文仲以鬯圭與玉磬如齊告糴

服注曰無庭實也

儀禮聘禮疏

注曰宗廟之磬鳴球也

太平御覽時序部二十

大懼之周公大公之命祀

賈唐二君曰周公爲大宰大公爲大師皆掌命諸侯之國所當祀也或云命祀二公也韋解

室如懸磬

孔晁曰懸磬但有桷無覆蓋左氏僖二十六年傳正義

無有隱者

賈達曰隱私也文選赭白馬賦注

大刑用甲兵

賈侍中曰謂諸夏不式王命以六師移之韋解

賈達曰用兵甲者諸侯逆命征討之刑也書舜典正義周禮掌戮

疏案周禮疏引與書正義同不言是賈注下文皆賈注可知

輯存二

二

其次用斧鉞

注曰謂犯斬罪者周禮掌戮疏

中刑用刀鋸

注曰用刀以劓之鋸以笮之上同

其次用鑽笮

文選長安由賦注云韋昭注爲笮而賈達注爲鑿案漢書刑法志後漢書章帝紀注初學記政理部皆作鑿禮記刑用刀鋸句微異或亦据賈本也

注曰鑽額涅墨笮割勢謂宮刑也同上案此注仍作笮與文選注引賈達不合

小者致之市朝

賈達曰大夫已上于朝士已下于市書舜典正義

外臣之言不越境

賈逵曰越踰也

文選五君詠注

惡有覺

賈逵曰覺兆也

文選曹子建上責躬詩表注又陸士衡答賈長淵詩注李令伯陳情事表注

海鳥曰爰居

賈逵曰爰居襍縣也

文選郭景純遊仙詩注

夫祀國之大節也

賈逵曰節制也

文選東京賦注

管烈山氏之有天下也

賈逵曰烈山炎帝之號

左氏昭二十九年傳正義

帝學能序三辰以固民

輯存二

三

賈逵曰三辰日月星也

文選魏都賦注又陸士龍大將軍誡會作詩注

故有虞氏禘黃帝而祖顓頊郊堯而宗舜

賈侍中曰有虞氏舜後在夏殷爲二王後故有郊禘

宗祖之禮也

韋解

幕能帥顓頊者也有虞氏報焉

孔晁曰幕能修道功不及祖德不及宗故每於歲之

大烝而祭焉謂之報

左氏昭八年傳正義

海多大風冬煖

虞翻曰是爰居之所避也

初學記風部

嘗禘蒸享之所致君胙者有數矣

賈唐二君曰臣祭致肉於君謂之致胙韋解
蒸將躋僖公

賈侍中曰蒸進也謂夏父弗忌進言於公將升僖公於閔公上也同

唐尚書曰蒸祭也同上

其天札也

唐曰未名曰天同上

既其葬也焚煙徹于上

孔晁曰已葬而柩焚煙達椁外左氏文二年傳正義

水虞於是乎講眾畱取名魚登川禽而嘗之廟行諸國

輯存二

四

助宣氣也

唐曰孟春韋解

鳥獸孕水蟲成

注曰謂季春時禮記王制正義

稽魚鼈

稽族也韋解 舊音云 據賈本作鏃

助生阜也

賈達曰阜長也文選魏都賦注

水虞於是乎禁罝罟麗

賈達曰罝麗小罟也荀子成相篇注

設筭鄂

賈逵曰筭陷也鄂柞格也所以誤禽獸

音

且夫山不槎槩

賈逵曰槎邪斫也

文選西京賦注

魚禁鯤鯪

賈逵曰鯢鯪魚子

音

幽滅于戲

大孔晁曰戲西周地名

詩王城譜正義

仲孫宅諫

賈逵曰仲孫宅孟獻子庶子

太平御覽百卉部五

輯存二

五

晉侯使行人問焉

孔晁曰韓獻子白晉侯使行人問也

左氏襄四年傳正義

夫先樂金奏肆夏樊遏渠天子所以饗元侯也

呂叔玉曰肆夏繫遏渠皆周頌也肆夏時邁也繫遏

執僖也渠思文也肆遂也夏大也言遂於大位謂王

位也故時邁曰肆于時夏允王保之繫多也遏止也

言福祿止於周之多也故執僖曰降福穰穰降福簡

簡福祿來反渠大也言以后稷配天王道之大也故

思文曰思文后稷克配彼天

周禮鍾師杜子春注叔玉未詳何人蓋是西京舊

案呂

說附錄於此

臣以爲肄業及之

賈逵曰肄習也

文選西征賦注 又景福殿賦注 精白馬賦注 長笛賦注 潘安仁關中詩注

咨才爲詠

孔晁曰材謂政幹也

左氏襄四年傳正義

重之以六德

孔晁曰既有五善又自謂無及成爲六德

同上

說侮不懦

賈逵曰懦下也

文選陸士衡猛虎行注

計成而後行

賈逵曰計謀也

一切經音義十三

將或道之

賈逵曰道由也

文選東京賦注

信抑闕矣

賈逵曰闕者缺也

北堂書鈔禮儀部二

踦跛畢行

跛韋本作跛

賈逵曰跛蹇也

舊音

倚止晏萊馬

賈逵曰從後牽曰倚

後漢書崔寔傳注 又袁紹傳注 選稽田賦注 通鑑漢紀四十五注

木石之怪曰夔 蝮水之怪曰龍 罔象

或曰夔一足 越人謂之山繅

韋解 舊音云山繅音騷 唐賈孔竝同

賈逵曰罔兩罔象言有夔龍之形而無實體左氏宣三年傳正義

土之怪曰羴羊成唐曰羴羊雌雄不成者也韋解 案史記孔子世家集解文選思玄賦注引羴作墳不成作未

內朝子將庀季氏之政焉

賈逵曰庀由理也文選南都賦注

是故天子大采朝日與三公九卿祖識地德

虞說曰大采衮職也祖習也識知也地德所以廣生

韋解

孔晁曰大采謂衮冕禮記玉藻正義

輯存二

七

師尹維旅牧相宣序民事

三君曰師尹大夫官也掌以美詔王維陳也旅眾士也牧州牧也相國相也皆百官政事之所及也一曰

師尹公也詩云赫赫師尹韋解

少采夕月

孔晁曰少采謂黼衣禮記玉藻正義 韋解 或云或用三君說也

王后親織玄紵

說曰紵冠之垂前後者韋解

吾冀而朝夕脩我

賈逵曰覬望也文選登樓賦注 又盧子諒贈劉琨詩注 案冀覬古字通用

宗不具不繹

賈侍中曰宗宗臣主祭祀之禮也不具謂宗臣不具

在則敬姜不與繹也

韋解

唐尚書曰繹祭之明日也

同上

繹不盡飲則退

說曰飫宴安私飲也

同上

男女之饗不及宗臣

賈侍中曰男女之饗謂宴相饗食之禮不及宗臣也

同上

宗室之謀不過宗人

輯存二

八

虞唐曰不過宗人不與他姓議親親也

同上

無洵涕

賈逵曰洵彈也

舊音

獲骨馬節專車

賈逵曰專滿也

文選江賦注

楛矢貫之石砮

賈逵曰砮矢鏃之石也

書禹貢正義

其長尺有咫

賈逵曰八寸曰咫

左氏僖九年傳正義又盧子諝贈劉琨詩注

文選長楊賦注廣韻四紙通鑑

唐紀釋文

古者分同姓以珍玉

賈逵曰珍寶也

文選盧子諒贈劉琨詩注 華嚴經音義上

今吾子之教官僚

唐曰同官為僚僚

韋解

季康子欲以田賦

賈侍中曰田一井也周制十六井賦戎馬一匹牛三

頭一井之田而欲出十六井之賦也

同上

賦里以入而量其有無

賈逵曰量分齊也

華嚴經音義上案齊讀為劑

齊語

輯存二

九

夫管夷吾射寡人中鉤是以濱於死

賈逵曰鉤帶鉤也

文選七發注

三君皆曰濱近也管仲臣於子糾乾時之戰親射桓

公中鉤

韋解 案華嚴經音義下引賈逵云類近也疑賈本作顛顛濱古字通

三疊三浴之

注曰疊香薰也

太平御覽八事部三十六

九妃六嬪

唐尚書曰九妃三國之女以姪娣從也

韋解

比較民之有道者

賈逵曰校考也

文選長楊賦注

比綴以度

賈逵曰綴連也文選西京賦注 又魏都賦注 景福殿賦注

羣萃而州處

賈逵曰萃亦處也文選陸士衡謝平原內史表注

耒耜枷芟

賈逵曰拂所以擊也舊音 案拂疑枷之誤

挾其槍刈耨鎛

賈逵曰挾持也同上

制國以為二十一鄉

唐尚書曰四民之所居也韋解

輯存二

十

士鄉十五

唐尚書曰士與農共十五鄉同上 案管子小匡篇商工之鄉六士農之鄉十五此唐

說所本

鄉有良人焉

賈侍中曰良人鄉士也同上

驕躁淫暴

賈逵曰躁擾也一切經音義十四 華嚴經音義上

訾相其質

賈逵曰訾量也列子說符篇釋文 文選王仲宣詠史詩注 又陳孔璋徵吳將校部曲注

輕過而移諸甲兵

兵部八十八

賈逵曰輕過輕罪也移諸甲兵以甲兵贖罪也太平御覽

惡金以鑄鉏夷斤櫛櫛韋本

賈逵曰斤鑷也一切經音義十四

使海於有蔽渠弭於有渚

賈侍中曰海海濱也有蔽言可依蔽也渠弭禪海也

水中可居者曰渚韋解

纒於山有牢舊音出纒字云賈韋唐孔作環於山今本作山於

賈逵曰纒還也後漢書馮融傳注案纒環古字通用

南至於餉陰舊音餉賈作陶

輯存二

土

有革車八百乘

賈侍中曰一國之賦八百乘也乘七十五人凡甲士

六萬人韋解

與諸侯飾牲為載以約誓于上下庶神

賈逵曰飾陳其牲為載書加於牲上而已不歃血上

下庶神天地之羣神也北堂書鈔禮儀部二

與辟耳之谿拘夏

賈逵曰辟耳山險也史記封禪書索隱

反胙于絳

說曰胙賜也謂天子致祭胙賞以大輅龍旂桓公於

絳辭之天子復使宰孔致之章解

賈侍中曰反復也昨位也絳晉國都也晉獻公卒奚

齊卓子死國絕無嗣晉侯失其昨位桓公以諸侯討

晉至高梁使隰朋帥師立公子夷吾復之於絳是為

惠公事在魯僖九年同上

唐從賈同上

兵車之屬六

注曰魯莊十三年會于北杏十四年會于鄆十五年

復會于鄆魯僖元年會于榿十三年會于鹹十六年

會于淮北堂書鈔禮儀部二案書鈔引國語皆據賈本此條亦是景伯注

輯存二

士

服大輅龍旗九旒渠門赤旂

唐尚書曰大輅玉輅韋解

賈侍中曰大輅諸侯朝服之車謂金輅鉤樊纓九就

龍旗九旒也渠門亦旗名赤旂大旂也同上

所以示權於中國也

賈逵曰權秉也文選曹元首六代論注又陸士衡五等論注

定三革

說曰三革甲楯鼓韋解

賈逵曰甲冑盾三也一切經音義一

國語三君注輯存卷三

汪遠孫

晉語

飲而無肴

賈逵曰肴菹也

一切經音義六 案菹當作俎

管夏桀伐有施有施人以末喜女焉

末韋本 作姝

賈侍中曰有施喜姓國也

荀子解 蔽篇注

殷紂伐有蘇有蘇氏以妲己女焉

紂韋本 作平

賈侍中曰有蘇已姓國也

同上

今晉寡德而安俘女

輯存三

賈逵曰伐國取人曰俘

文選潘安仁關中詩注 又李令伯 陳情事表注 齊安陸昭王碑文注

一切經 音義十三

肆侈不違

賈逵曰肆恣也

文選甘泉賦注 又潘安仁關中詩注 稽叔夜幽憤詩注 江文通襍體詩注 陳孔璋爲

哀紹檄豫州注 稽叔夜養生論 注 案唯思玄賦注引誤作韋解

謙謙之德

謙謙韋本 作嘽嘽

賈逵曰言小務大

音舊

非禮不終年

賈虞曰十年而數終

韋解

唐曰不終其年

同上

驪姬請使申生主曲沃以速縣

虞御史曰速疾也縣縊也同上

民之疾心

賈逵曰疾惡也文選陸士衡君子行注

伯氏不出

賈唐皆曰伯氏申生也一云伯氏狐突也韋解

獻公田見翟祖之氛

注曰翟祖國名也五字韋注同言有凶國之氣也一曰敵

國有善祥已國凶惡也太平御覽兵部四十八

棄政而役

韓存三

賈逵曰政猶職也一切經音義六

被羽先登登韋本作升

注曰羽羽衣登升其城也太平御覽兵部四十八

乃易殘也

賈逵曰沒身為殘文選曹子建三良詩注

得其所索

賈逵曰索求也文選羽獵賦注又古詩十九首注

以皋落狄之朝夕苛我邊鄙

賈逵曰苛猶擾也一切經音義十六

狂夫阻之衣也

賈逵曰狂口也狂者狂夫也

北堂書鈔衣冠部三十一

曹氏

不懼不得
賈唐曰不得不得君心也

章解

杜門不出

賈逵曰杜塞也

一切經音義五 又十 九 華嚴經音義下

主盜啗我

益韋本作孟解云孟或作益此與或本正合

注曰大夫稱主妻亦如之盜啗我者肉也

太平御覽人事部一百十

案末句疑有誤文史記呂太后本紀索隱云孟者且也言且啗我物亦同此注孟字不當訓且小司馬蓋亦從或本為訓而誤仍作也

我教茲暇豫事君

輯存三

三

賈逵曰暇閒也

文選登樓賦注

注曰言我教里克暇安樂事君

太平御覽人事部一百十 案暇字疑衍

暇豫之悟悟不如鳥鳥

悟悟韋本作吾吾

注曰悟悟疎遠之貌言其智曾不如鳥鳥同

人皆集於蔚已獨集於枯

蔚韋本作苑

注曰蔚喻茂盛枯喻衰落同

子謂何

賈逵曰謂告也

文選陸士衡辨止論注

平鄭曰憺也

賈逵曰憺痛也

文選歡逝賦注 建贈王粲詩注

又王仲宣詠史詩注 顏延年答鄭尚書詩注

曹子

陸韓卿答內兄希叔詩
注 古詩十九首注

多為之故以變其志

賈逵曰故謀也文選景福殿賦注

弒君以為廉

賈侍中曰廉猶利也以天子故弒君以自利韋解

唐尚書曰為天子殺奚齊不有其國以為廉也上

虞御史曰廉直也讀若鬪廉之廉上

實董于肉

賈逵曰董烏頭也詩縣正義 左氏僖四年傳正義 初學記服食部

夷吾逃于梁

輯存三

唐尚書曰梁晉滅以為邑韋解

聚居異情惡

虞曰重耳夷吾情好不同故惡相近同

除闇以應外謂之忠

賈逵曰暗不明也文選歐陽堅石臨終詩注 案闇暗古通

既填其薨矣填韋本 作鎮

賈逵曰填加也善音義上 華嚴

吾命之以汾陽之田百萬

賈侍中曰汾水名汾陽晉地百萬百萬畝也韋解 史記晉

世家集解無百萬
百萬畝也六字

黃金四十溢

賈逵曰一溢二十四兩

又選阮嗣宗詠懷詩注 又枚叔七發注 案廣韻五質國語云二十四兩為

鎰蓋亦引賈注而脫注字江都焦循以孫子算經五經算術推之二鎰當是二十四兩四字羨文章注二十四兩為鎰鄭玄注儀禮禮記趙岐注孟子高誘注呂覽服虔注史記孟康注漢書並與韋同

監戒而謀

賈逵曰監察也

文選西京賦注 又西征賦注 謝宣遠張子房詩注

出其世子而改葬之

唐以賈君為申生妃

韋解

貞之無報也孰是人斯而有是臭也

賈唐曰貞正也謂惠公欲以正禮改葬世子而不獲

輯存三

五

吉報也孰誰也斯斯世子也誰使是人有是臭者言

惠公使之也或云貞謂申生也

同上

其魄兆於民矣

賈逵曰兆見也形也

一切經音義九又二十四

焉作轅田

賈侍中曰轅易也

文選王元長永明九年策秀才文注引作爰易也

為易田之法

賞眾以田易者易疆界也或云轅田以田出車賦

韋解

唐曰讓肥取磽也

同上

孔晁曰爰易也賞眾以田易其疆畔

左氏僖十五年傳正義 案說文爰

籀文以為車轅
字故古字通用

齊楚又交輔之

賈逵曰交共也

文選射
雉賦注

底箸滯淫

賈逵曰淫久也

文選王仲宣七哀詩注
又陸韓卿荅內兄希叔詩注

天祚將在武族

賈逵曰祚位也

文選東
都賦注

聞其辭脅欲觀其狀

孔晁曰聞公子脅鞵是一骨故欲觀之

左氏僖二十
三年傳正義

諜其將浴

輯存三

六

孔晁曰諜候也

同上

設微薄而觀之

孔晁曰微蔽也

同上

國語曰薄簾也

左氏僖二十三年傳釋文
案國語下疑脫

唐所注莊子達生篇高門縣薄釋文引司馬彪注云薄簾也淮南
道應訓注曹共公聞重耳駢脅使袒而捕魚設薄以觀之事雖
與內外傳不同
亦以薄為簾

吾先君武公與晉文侯戮力一心

賈逵曰戮力并力也

文選子虛賦注
又文賦注
陸士衡辨
亡論注
王仲寶褚淵碑文注
一切經

音義
十三

其左執鞭弭右屬橐鞬

孔晁曰馬鞭及弓分在兩手欲辟右帶囊韉之文故

云左執左氏僖二十三年傳正義

旣而揮之

賈逵曰揮灑也文選潘安仁在懷縣作詩注

同姓為兄弟

賈侍中曰兄弟婚姻之稱也韋解

凡黃帝之子二十五宗

唐尚書曰繼別為小宗同上

其得姓者十四人為十二姓

虞翻曰以德為氏姓又虞說以凡有二十五人其二

輯存三

七

人同姓姬又十一人為十一姓酉祁已滕葳葳韋作任

荀釐釐韋作媯媯韋作衣衣韋作是也餘十二姓德薄不

足錄史記五帝本紀集解

管少典娶于有蟫氏生黃帝炎帝

賈侍中曰少典黃帝炎帝之先有蟫諸侯也炎帝神

農也韋解案史記五帝本紀索隱云黃帝即少典氏後代之子孫賈逵亦謂然亦隱括國語注文

虞唐曰少典黃帝炎帝之父同上

畏黷敬也

賈逵曰黷慢也文選任彥昇為齊明帝讓宣城郡公表注

今將婚媾以從秦

賈逵曰重婚曰媾

一切經

乃歸女而納幣且逆之

孔晁曰歸懷嬴更以貴妾禮迎之也

左氏傳二十三年傳正義

薦在宗廟

賈逵曰在宗廟為祭主也

文選王仲宣從軍詩注

內有震雷故曰利貞

賈侍中曰震以動之利也侯以正國貞也利義之和

也貞事之幹也

章解

十月惠公卒

賈侍中以為閏餘十八閏在十二月後魯失閏以閏

輯存三

月為正月晉以九月為十月而置閏也

同上 陳魚曰十八當是十月

之誤賈語疑止此四字

必霸諸侯

賈逵曰霸猶把也言把持諸侯之權也

一切經音義二

元年春公及夫人嬴氏至自王城

賈侍中曰是月閏以三月為四月故曰春而不言其

月明四月為春分之月也嬴氏秦穆公女文嬴也或

云夫人辰嬴

章解

舉善援能

賈逵曰援引也

文選長門賦注又遊天台山賦注

禮賓旅

賈逵曰旅客也

文選顏延年荅鄭尚書詩注

公食貢

賈逵曰貢獻也

文選古詩十九首注

與麗土之狄

舊音云麗土唐賈與韋同孔晁爲麗

公請隧

三君曰隧王之葬禮

韋解

文公誅觀狀以伐鄭

賈侍中曰鄭復效曹觀公駢脅之狀故伐之

韋解太平御覽

覽人事部五十八引故伐之作故見伐也

輯存三

九

唐尚書曰誅曹觀狀之罪還而伐鄭

韋解

予我詹而師還

注曰詹鄭大夫叔詹伯也

太平御覽人事部五十八

夫三德者偃之出也

賈唐曰三德樂枝先軫胥臣皆狐偃所舉

韋解

虞曰三德謂勸文公納襄王以示臣義伐原以示信

大蒐以示民禮故以三德紀人

同上

狐毛卒使趙衰代之

虞唐曰代將新軍

同上

且臣之倫箕鄭胥嬰先都在

注曰倫輩也太平御覽人

事部六十四

蒐于清原

注曰清原之蒐在魯僖三十年也同上

蒲城伯請佐

賈侍中曰蒲城伯先且居也韋

臧施

賈逵曰儂也爾雅釋訓釋文

聾聵不可使聽

賈逵曰生聾曰聵一云聾無識曰聵一切經音義一

而惠慈二蔡

輯存三

三君曰二蔡文王子管叔初亦為蔡韋

詢于八虞

賈唐曰八虞周八士皆在虞官伯達伯括仲突仲忽

叔夜叔夏季隨季駟同上思齊正義

詠於蔡原而訪於辛尹

賈逵唐固曰辛男尹侯蔡公原公也詩思齊正義案男當作甲侯當作

佚皆形近之誤左氏襄四年傳正義引賈逵以為辛甲尹侯可證

重之以周邵畢榮

注曰榮周同姓書序賄肅慎之命正義案榮已見周語書正義連引此文故隸于此

臧施植鋪植韋本作直

注曰使擊鐘禮記王制正義

遽除蒙瑯除韋本作瑯

注曰瑯是玉磬使擊之同

侏儒扶廬廬韋本作廬工記注引作廬考

注曰扶持也廬戟柄也同

矇瞍循聲循韋本作脩

注曰歌詠琴瑟同

聾瞶司火

注曰使主然火同

以卬浦而後大舊音卬浦孔本作仰牛亮反言川仰浦而大人仰敬而成案韋本當作御故訓為迎舊音牛稼反

輯存三

十一

可證孔本御字脫壞作卬因字解之若作仰則不須音矣後人以孔改韋復改孔為仰集韻四十禡訝下字戴卬字是丁度所据國語音當

不悞也

作三軍

唐尚書曰去新軍之上下韋解

郤溱佐之

或曰溱卽至同上

曰季使舍於冀野

賈逵曰曰季晉臣冀野晉地太平御覽地部二十又人事部四十三

舍於逆旅甯嬴氏

賈逵孔晁皆以甯嬴為掌逆旅之大夫左氏文五年傳正義

今陽子之情謹矣

舊音云諱唐本為諱

暮年乃有賈季之難

唐尚書曰晉蒐于夷舍二軍

韋解

趙宣子言韓獻子於靈公

注曰宣子趙盾

北堂書鈔政術部十一

趙孟使人以其乘車于行

注曰干犯行三軍

同上

吾乃今知免於罪矣

注曰免失舉之罪

太平御覽治道部十三

戰以鎔于丁寧

輯存三

唐尚書曰鎔于鐸也

韋解

趙穿攻公於桃園

虞翻曰桃園園名也

史記晉世家集解

有秦客度辭於朝

賈逵曰度隱也

北堂書鈔服飾部四

折委笄

賈逵曰委委貌笄簪也

同上

風聽臚言于市

賈逵曰風采也采聽商旅之言也

文選沈休文奏禪王源能改齋漫錄一

郤至以韎韋之跗注

三君曰一染曰鉢

韋解

欒武子將上軍范文子將下軍

孔晁曰上下中軍之上下也傳曰欒書將中軍士燮

佐之又曰欒范以其族夾公行

左氏成十六年傳正義

夷竈堙井

賈逵曰夷毀也

一切經音義九

且今君若使之於周

虞翻曰周京師

史記晉世家集解

辛巳朝于武宮

孔晁曰以辛未盟入國辛巳朝祖廟取其新也

左氏成十

輯存三

三

八年傳正義案今本左傳辛巳朝于武宮服虔本作辛未故孔晁據之

正月乙酉公即位

正月韋本作二月

孔晁曰二月即位言正月者記者誤也

同上

呂錡佐智莊子於上軍

唐尚書曰荀首將上軍

韋解

欒伯請公族大夫

孔晁曰公族大夫掌公族及卿大夫子弟之官

左氏宣二

年傳正義案韋解同此韋用三君說也

夫膏粱之性難正也

賈逵曰膏肉之肥者梁食之精者言食肥美者率驕

放其性難正也

文選陸士衡君子有所思行注
又王子淵聖主得賢臣頌注

使張老延君譽于四方

賈逵曰延陳也

文選魏都賦注

使佐新軍

說曰新中軍也

韋解

韓獻子老

說曰為公族大夫老而辭位

同上

使公族穆子受事於朝

唐尚書曰獻子致仕而用其子為公族大夫

同上

無忌備公族

輯存三

西

孔晁曰備公族大夫

左氏成十八年傳正義

鄭伯嘉來納女工妾三十人

賈侍中曰妾女樂也

韋解

歌鍾二肆

孔晁曰歌鍾鍾以節歌也

左氏襄十一年傳正義

七合諸侯

孔晁曰不數救陳與成鄭虎牢餘為七也

同上 案內傳作九合服

虞注云五年會于戚一也其年又會于城棗救陳二也七年會于鄒三也八年會于邢丘四也九年會于戲五也十年會于桓六也又成鄭虎牢

七也十一年同盟于堯城北八也又會于蕭魚九也故孔云云

在周為唐杜氏

賈逵曰武王封堯後爲唐杜二國

左氏襄二十四年傳正義

問於張老

三君曰張老中軍司馬也

韋解

管隰叔子違周難於晉國生子與

賈逵曰隰叔杜伯之子周宣王殺杜伯其子逃奔晉

子與士蔭爲字

左氏文十三年傳正義
又襄二十四年傳正義

世及武子

賈逵曰武子士會也會士蔭之孫

同上

及爲成師居大傅

平唐尚書曰爲成公軍師兼大傅官

韋解

輯存三

五

平公說新聲

注曰新聲師涓所聽者也

太平御覽
樂部七

君之明兆於衰矣

賈逵曰兆形也

文選遊天台
山賦注

風德以廣之

注曰風德者德各有風類也作樂各象其德韶夏漢

武之類也

太平御覽
樂部七

風山川以遠之

賈逵曰樂所以通山川之風類以遠其德

初學記樂部
案此條亦

見太平御覽不言何人
注上下皆賈注可知

是以遠服而邇不遷

注曰邇近

太平御覽樂部七

射兕于徒林

賈逵曰徒林園中地也

太平御覽羽族部八

以為大甲

賈逵曰以兕革為大甲

初學記武部太平御覽兵部八十六

以封于晉

賈逵曰言唐叔有才藝封于晉

太平御覽羽族部八

置茆蒞

茆宋公序本作茅

賈逵曰束茅以表位為蒞

史記叔孫通傳索隱通鑑漢紀三注案說文朝會束茅表位曰

輯存三

十六

絕引國語為證本師說也置作致古字通用

斷其椽而礮之

賈逵曰礮磨也

文選枚叔諫吳王書注

今悅日而漱歲

舊音云漱孔晁注為惕

若諸侯服不過三年不服不過十年過是晉之殃也

孔晁曰人雖有命荒淫者必損壽無外患則并心於

內故三年死諸侯不服則思外患損其內情故十年

無道之君久在民上實國之殃也

左氏昭元年傳正義

無以從二三子

注曰家貧則不及人也

太平御覽人事部一百二十五

管樂武子無一卒之田

注曰武子晉正卿樂書上大夫一卒無者不及上大

夫同上

略則行志

賈逵曰略猶簡也文選恨賦注又笙賦注

士景伯如楚叔魚為贊理

孔晁曰景伯晉理官叔魚佐之景伯聘楚叔魚專斷

左氏昭十四年傳正義

邢侯與雍子爭田

孔晁曰邢與鄗比爭疆畷同上

輯存三

七

遂施邢侯氏

孔晁曰施廢其族也同上案左傳釋文及補音皆無其族二字孔蓋讀施為弛故訓廢也

欲為繫援焉

注曰繫援欲自結連於大援也太平御覽禮儀部二十

獻子執而紡於庭之槐

注曰紡猶懸也懸於庭之槐也同上

吾伏殺略丘舊音云略孔晁作略音容

趙簡子田于嬖舊音云嬖賈孔本竝作婁

嬖園名執文類聚產業部樂書上大夫一卒無者不及上大夫

君行臣不從不順

注曰譏簡子自獵君圍不從君而自行也太平御覽獸部十六

簡子乃還

注曰覺所譏也上趙簡子問於壯馳茲舊音云壯馳茲音壯賈孔本同唯唐固依春秋公子譜作壯案唐本當作莊傳寫

誤之

注曰壯馳茲東方人為晉大夫者蓋吳人也太平御覽禮儀部二十二

東方之士孰為愈宋公序本作癒

賈孔竝作愈舊音愈勝也音

輯存三

十八

國語三君注輯存卷四

汪遠孫

鄭語

問於史伯

虞翻曰周大史

史記鄭世家集解

號郇為大

虞翻曰號姬姓東號也郇姪姓

同

故命之曰祝融

虞翻曰祝大融明也

史記楚世家集解

昆吾為夏伯矣

輯存四

虞翻曰昆吾名樊為己姓封昆吾世本曰昆吾者衛

是也

同上 史記天官書正義 左氏昭十八年傳正義

大彭豕韋為商伯矣

虞翻曰名翦為彭姓封於大彭世本曰彭祖者彭城

是也

同上 索隱

彭姓彭祖豕韋諸稽則商滅之矣

賈逵曰大彭豕韋為商伯其後世失道殷德復興而

滅之

左氏襄二十四年傳正義

禿姓舟人則周滅之矣

賈逵曰禿姓別族也

通志氏族略三

鄒

服虔曰檜是陸終第四子求言後

詩檜譜正義

斟姓無後

賈逵曰斟姓是曹姓之後

廣韻二十一侵

芊姓夔越不足命也

芊宋公序本作芊

孔晁曰熊繹玄孫曰熊摯有疾楚人廢之立其弟熊

延熊摯自棄于夔子孫有功王命為夔子

左氏傳二十六年傳正義

閩芊蠻矣

閩韋本作蠻周禮職方氏注

注曰謂上言叔熊避難於濮蠻隨其俗如蠻人也故

曰蠻

周禮職方氏疏

輯存四

二

惡角犀豐盈

善音角犀賈唐孔本作犀

若以同禕同

賈逵曰禕益也

史記衛將軍傳索隱

建九紀以立純德

賈逵曰九紀九功也

律解

合十數以訓百體

賈唐曰十數自王以下位有十等王臣公公臣大夫

大夫臣士士臣阜阜臣與與臣隸隸臣僚僚臣僕僕

臣臺百體百官各有體屬也合此十數之位以訓導

百官之體

同上

計億事

賈虞說皆以萬萬為億同上公序本虞作唐

而與專司舊音專賈唐孔作專

糜弧箕服

賈逵曰箕木名服矢筒也北堂書鈔武功部十四太平御覽兵部七十八

余懷之二君也

十虞翻曰龍自號褒之二先君也史記周本紀集解

及厲王之末

虞翻曰末年王流彘之歲同上

王使婦人不幃而譟之

輯存四

唐固曰羣呼曰譟同上

應韓不在

三君曰不在時已亾也韋解

十邑皆有寄地

虞翻曰十邑謂號鄆鄆蔽補丹依暎歷華也史記鄭世家集解

賈侍中曰寄地寄止韋解

秦景襄於是乎取周土

三君皆曰秦景公宣王季年伐西戎破之遂有其地

同上

楚語

啟有五觀

注曰觀國夏啟子大康之第五弟所封也在衛縣夏

相滅之

元和郡縣志十六通鑑周紀二注

其不賓也久矣

賈逵曰賓伏也

史記司馬相如傳索隱

教之世而為之昭明德而廢幽昏焉

注曰先生之繫世本使知有德者長無德者短

周禮瞽矇

疏

教之樂以疏其穢而鎮其浮

賈逵曰疏除也

文選遊天台賦注浮輕也

殷仲文南州桓公九井詩注

輯存四

四

屈到嗜芟

注曰屈到楚卿也

藝文類聚草部下

召其宗老而屬之

注曰宗老家臣也屬託也

同上案太平御覽禮儀部四引注亦有屬託也三字

不差珍異

賈逵曰珍美也

華嚴經音義上

夫子不以其私欲干國之典

注曰言不犯常法

太平御覽人事部三十舊音秋舉唐

椒舉娶於申公子牟

孔本竝作椒

蔡聲子將如晉

唐曰楚滅蔡蔡聲子爲楚大夫解
與王心違

賈逵曰違異也文選陸士衡贈馮文
熊遷斥丘令詩注

析公奔晉晉人用之寔讒敗楚

析公曰楚師輕窳易震蕩也韋解
舊音輕挑賈作佻
案舊音云云韋解益與賈同

在中軍王族而已

唐曰族親族同姓也韋
解

緬然引領南望

賈逵曰緬思貌也文選寡婦賦注
又王仲宣贈文叔良詩注
陵王行狀注
華嚴經音義上
王元長永明九年策秀才文注
任彥昇齋竟

唐釋澄觀華嚴經疏鈔玄談八

輯存四

五

先君莊王爲匏居之臺

賈逵曰匏居高臺名初學記
居處部

射不過講軍實射韋本作榭
詩抑正義
文選吳都賦劉逵注

鄭氏曰軍所以討獲曰實文選吳都賦注
案此蓋鄭師說

大能掉小

賈逵曰掉搖也文選長
楊賦注

左史誦之

賈逵曰對人道其惡曰誦也一切經
音義六

倚几有誦訓之諫

注曰言官師所作誦訓之諫書之於几令誦習之北堂
書鈔

於是乎作懿戒以自儆也

三君曰懿戒書也韋解

武丁於是作書

賈唐曰書說命也同上

使名姓之後周禮春官序官注引下竝同

孔服注曰聖人大德之後周禮春官序官疏

能知四時之生犧牲之物

孔服注曰生謂棗盛犧謂純毛色牲謂牛羊豕同上

玉帛之類

輯存四

孔服注曰禮神玉帛同上

采服之宜韋本作儀

服氏曰祭祀之所服色同上

彝器之量

服曰量數也祭祀之器皆當其數同上

次主之度

服曰次廟主之尊卑先後遠近之度同上

屏攝之位

服氏曰屏猶并也謂攝主不備并之其位不得在正主之位曾子問曰若宗子有罪居于他國庶子為大

夫其祭也祝曰孝子某使介子某執其常事又云攝
主不厭祭不旅不假不綏祭不配是其攝主并之事

同上

壇場之所

孔曰去廟為祧去祧為壇去壇為墀壇場祭道神曾子

問道而出是也同上 案說文場道上祭場禘古今字

上下之神祗韋本無祗字

孔氏曰上謂凡在天之神天及日月星下謂凡在地

之神謂地山林川谷丘陵也同上

氏姓之所出而心率舊典者為之宗韋本無所字心字周禮注脫从韋本

輯存四

七

孔氏曰既非先聖之後又非名德之後但氏姓所出

之後子孫而心常能循舊典者則為大宗大宗者於

周為宗伯同上

敬而不黷黷韋本作瀆

賈逵曰黷媾也文選石季倫思歸引序注又陸士衡漢高祖功臣頌注

命火正黎司地以屬民

唐尚書曰火當為北韋解 案臣瓚注漢書以為古文火字似北見史記曆書索隱

祀以會

孔晁曰四方來會助祭也禮記玉藻正義

以一純二精三牲四時五色六律七事八種九祭十日

十二辰以致之

注曰純

純上脫一字

心純一也二精玉帛三牲牛羊豕也四

時春秋冬夏也五色五采服也六律黃鍾大蕤姑洗

蕤賓夷則無射也七事天地人四時之物也八種八

音異種也九祭九州之助祭也十日甲至癸也十二

辰子至亥也

太平御覽禮儀部四

以告徧至

注曰徧至光被四表格于上下也

同上

遠不過三月近不過浹日

孔注曰遠牛羊豕近犬雞之屬

周禮充人疏

輯存四

八

諸侯祀天地三辰及其土之山川

孔晁曰三辰日月星也祀天地謂二王後也非二王

後祭分野山川而已

左氏昭十三年傳正義又僖三十一

孔說矣

日月會于龍虬

賈逵曰虬龍尾也月令孟冬日在尾

文選東京賦注

管鬪子文三舍令尹

賈逵曰子文楚令尹鬪穀於菟

北堂書鈔政術部十二

民多曠者而我取富焉

賈逵曰曠空也

同上

惟獨居思念前世之崇替

賈逵曰崇終也

文選陸士衡門有車馬客行注

珠足以禦火災則寶之

服氏曰珠水精足以禁火

周禮王府疏

惠王以梁與魯陽文子

賈逵曰惠王楚昭王子梁楚北境魯陽文子楚平王

之孫司馬子期之子魯陽公

文選王仲寶褚淵碑文注

吳語

簡服吳國之士於甲兵而未嘗有所挫也

賈逵曰簡習也

文選長楊賦注

折其鋒曰挫

後漢書馮異傳注通鑑光武紀釋文

輶存四

九

夫謀必素見成事焉而後履之

賈逵曰素預也

文選潘安仁關中許注

奉槃匱以隨諸御

注曰匱沃器也

太平御覽人事部九十七

天王豈辱裁之

賈逵曰裁制也

文選東京賦注

又陸士衡五等論注沈休文齊安陸昭王碑文注

而又刈之

韋本刈下有止字

注曰刈斬

太平御覽人事部九十七

申胥諫曰

注曰申胥楚臣伍員

同上

爲虺弗摧爲蛇將若何

注曰虺短蛇長

同上

荒城不盟

賈逵曰荒空也

北堂書鈔禮儀部二

屏營仿徨於山林之中

注曰屏營猶仿徨也

玉篇尸部

疇枕王以璞而去之

賈逵曰璞塊也

太平御覽地部二

將入於棘闈

孔晁曰棘楚邑闈巷門

左氏昭十三年傳釋文正義引巷門作門也與韋同

輶存四

以犯獵吳國之師徒

賈逵曰獵取也

文選羽獵賦注

而驟救傾以時

賈逵曰驟疾也

一切經音義九

盛以鷓夷

賈逵曰鷓夷革囊也

左氏哀十一年傳正義

吳晉爭長未成

賈逵曰長先也

北堂書鈔禮儀部二

今吾道路悠遠

悠遠本

賈逵曰悠長也

文選盧子諒時興詩注一切經音義九

一日湯

賈逵曰湯疾也

文選長楊賦注

乃令服兵環甲

賈逵曰環甲衣甲也

一切經音義十七又二十一二十二華嚴經音義下

出火竈

注曰出火滅火不欲令晉軍知

北堂書鈔武功部六

行頭皆官師

三君皆曰官師大夫也

韋解

賈逵曰百人為一隊也官師隊大夫也

史記馮唐傳索隱案補音引索隱

百人為一下有卒卽一三字師作帥

韓存四

十一

擁鐸拱稽

唐尚書曰稽榮戟也

韋解後漢書杜詩傳注引漢隸事曰漢制假榮戟以代斧鉞崔豹古今注曰榮戟

前驅之器也以木為之

鄭司農以為稽計兵名籍也周禮聽師田以簡稽

同上

建服姑

韋本作肥胡

注曰服姑幡名

北堂書鈔武功部六案左思吳都賦建祀姑劉逵注引國語為證服肥祀形皆相近書鈔作姑與左賦

劉注合唐類函改從今本作肥胡

奉文犀之渠

注曰文犀之渠謂看渠路書大曰

同上此條譌舛俟攷看蓋盾字之誤

白羽之矰

賈逵曰矢羽爲矰初學記武部太

鼓丁寧鐔于

唐尚書曰鐔于鐔章

三軍皆譁响以振旅响章本

賈逵曰响譁也一切經音義十九

周軍飾壘

賈逵曰周備也華嚴經音義下

乃令董謁請事

賈逵等曰董謁司馬寅也左氏哀十三年傳正義

兩君偃兵接好

輯存四

賈逵曰偃息也文選顏延年皇太子釋奠會詩注又謝靈運石壁精舍還湖中詩注

王稱左畸曰攝少司馬茲與王士五人坐於王前

賈唐二君曰稱呼也左畸軍左部也攝執也少司馬

茲與王士五人皆罪人死士也韋解

乃皆進自剄於客前以酬客

賈唐二君曰剄剄也酬報也將報客使死士自剄以

示其威行軍士用命也同上

請貞於陽卜

注曰貞正也問卜內曰陰外曰陽周禮天府疏玉海六十三

王總其百執事

賈侍中曰王往也百執事百官解

以遠我一二兄弟之國

說曰謂齊納欒盃以伐晉解

簷登相望於艾陵

唐尚書曰簷夫須也同

晉周室逢天之降禍遭民之不祥

說曰謂民流厲王於彘同

而困鹿空虛

賈逵曰鹿庾也廣韻一屋案廣韻此條不明標國語注鈔

證以韋注當作員者稱困方者稱鹿傳寫誤

輯存四

王曰辯

說曰別物善惡韋

國人欲告者來告

三君曰告不任兵事也同

填之以土

賈逵曰填塞也滿也孟子梁

王背檐而立大夫向檐

說曰檐屋外邊壇也韋

唐尚書曰屋名也同

有眩暈之疾者暈韋本

賈逵曰眩暈顛暈也

一切經音義十二

於是吳王起師軍于江北

虞氏曰松江北去吳國南五十里

水經泗水注

以其私卒君子六千人為中軍

虞翻曰言君養之如子

史記越世家集解

乃令左軍銜枚泝江五里以須亦令右軍銜枚踰江五

里以須

賈逵曰逆流而上曰泝徑渡曰踰須待也

太平御覽兵部八十八

以襲攻之

賈逵曰襲還也

文選潘安仁哀永逝文注左氏襄十年傳還鄭而南釋文本亦作環案還蓋讀為環

輯存四

越語

越王句踐棲於會稽之上

賈逵曰會稽山名

史記吳世家集解孟子梁惠王下疏

苟得聞子大夫之言

賈逵曰親而近之故曰子大夫

文選魏都賦注又賢良詔永明九年策秀才文注

係妻孥

賈逵曰係繫也

文選長楊賦注

乃必有偶

賈逵曰偶對也

文選顏延年夏夜呈從兄敬贖車長沙詩注華嚴經音義下

不能棄其車

說曰吳是時未知以車戰申公巫臣使其子狐庸教之章解

納之大宰詔

詔吳正卿故楚大夫伯州黎之子魯昭元年州黎為

楚靈王所殺詔奔吳唐尚書曰平王殺之同上

生三人公與之母

注曰三子力不能獨養故與乳母太平御覽刑法部三

今夫差衣水犀之甲者億有三千

注曰水犀如牛其甲有珠鑿以為甲也太平御覽人事部一百二十三

而為樊邑宸宇

輯存四

五

賈逵曰宸室之奧者玉篇穴部

定傾者與人

虞翻曰人道尚謙卑以自牧史記越世家集解

戰於五湖

虞翻曰太湖有五道故曰五湖水經沔水注初學記地部後漢書馮衍傳注玉海

二十

以為亂梯

賈逵曰梯猶階也文選應德璉侍五官中郎將建章臺集詩注

德虐之行因以為常

唐尚書曰言無德行虐習以為常章解

四年

說曰魯哀三年同

忠臣解骨

賈唐二君曰解骨子胥伏屬鏤也同上

觥飲不及壺飧

注曰言志在觥飲慮不至壺飧喻已用德小不能遠

圖 太平御覽器物部六 案此與韋解相反說文侏小兒引春秋國語侏飯不及一食飯與飲壹食與壺飧形近而誤叔重多用師說當是賈侍中

注從光之字皆訓大而云小此以徂為存以亂為治之例

羸縮轉化

賈達曰縮退也一切經音義二十

轉存四

去

蚤晏無失

賈達曰晏晚也文選類延年夏夜呈從兄散騎車長沙詩注

與其重祿

賈侍中曰重祿大臣也韋解

唐尚書曰重祿寶璧也同上

使王孫雄行成於越

虞翻曰吳大夫史記越世家集解

今吳稻蟹不遺種

注曰稻蟹謂蟹食稻也禮記月令正義

而鼃龜之與同渚舊音睹唐賈孔作渚

又安知是譏議者乎

賈逵曰巧言也

公羊文十二年傳釋文

君王已委制於執事之人矣

虞翻曰執事蠡自謂也

史記越世家集解

無使執事之人得罪於子

虞翻曰我為子得罪

同上

輯存四

武林富元熙孫

卷四終

